

ia mengubah undang-undang dasar dan perlembagaan Jepun yang bersifat Fasis itu dengan perubahan-perubahan secara demokrasi.

Setelah berbangkit serangan-serangan dan perjuangan di Korea maka ia telah diserahkan mengetuai angkatan itu dan kemudiannya ia telah diangkat sebagai pemerintah angkatan bangsa-bangsa kerana Majlis Bangsa-bangsa memandang bahawa perjuangan Korea itu ialah suatu kecerobohan yang mesti dilawan dengan senjata.

Di dalam mentadbirkan perjuangan ini, sekali lagi ia telah menghairankan dunia kerana mula-mulanya ia membawa askar-askarnya undur dan bertahun di selatan daripada rempuhan-rempuhan yang hebat daripada serangan Korea Utara sehingga Korea Utara terpaksa menumpuk segala tenaganya dan usahanya untuk menghalau tentera Bangsa-bangsa itu tetapi rupanya MacArthur di sana sekadar bertahan sahaja untuk mengumpulkan segala tenaga dan usaha musuh-musuhnya di sana dan apabila terkumpul maka ia pun menurunkan tenteranya di Teluk yang berhampiran dengan Bandar Seoul (Ibu negeri Korea Selatan yang telah dirampas oleh Korea Utara). Dengan jatuhnya bandar Seoul semula ke tangan MacArthur maka tentera-tentera Korea Utara akhirnya terkepung dan dengan itu maka dengan sendirinya Korea Selatan telah terlepas daripada tangan Korea Utara.

Jeneral MacArthur yang tua yang berumur 70 tahun itu nampaknya masih kuat dan gagah jua lagi seperti seorang Jeneral yang berumur di dalam 50 atau 60 tahun jua.

-----*-----*-----

KORBAN PERANG DI KOREA

Tentera Amerika yang berjuang dan berperang di Korea yang telah tercedera berjumlah sebanyak 20,756. Daripada ini termasuk 4,143 orang yang dinyatakan telah hilang dalam perjuangan dan 13,953 yang tercedera yang daripada bilangan yang akhir ini 294 orang kemudiannya telah mati - Sekianlah surat kenyataan Reuters dari Washington pada 6.10.50.

-----*-----*-----

YAAKUB MALIK

-----*-----*-----

Yaakub Malik ialah wakil Russia di Perhimpunan Bangsa-bangsa Bersatu. Walaupun namanya seakan-akan nama seorang Muslim tetapi yang sebenarnya dia bukan Islam.

Bersalah-salahan orang tentang bangsanya. Sehingga mengatakan dia orang "Bukhara" dan setengahnya mengatakan anak Russian jati.

Tetapi perkara yang tidak ada syak lagi bahawa Malik ialah seorang Komunis dan telah menganut fahaman itu semenjak pihak pemberontak Komunis telah menawan tanah airnya "Kharkub" tatkala dia berumur sebelas tahun.

Malik telah besar panjang dengan tidak terikat lagi kepada adat istiadat Rusia tua malahan dia tidak beriman kepada sesuatu benda pun selain daripada "Stalin!"

Dia telah telah menuntut di Sekolah Tinggi "Kharkub" dan sudah tentu pula di sini dia telah mempelajari dasar-dasar Komunis dengan semasak-masaknya. Setelah dia menunjukkan kemahirannya di dalam segi ini maka Malik telah dihantarkan menuntut di Kolej "Hal Ehwal Luar Negeri" yang terletak di dalam kawasan sekolah tinggi Moscow.

Dari sana dia telah dihantarkan ke Tokyo sebagai penasihat kepada Pejabat Duta Rusia iaitu dari 1939 hingga 1945. Sudah itu ia telah dinaikkan pangkatnya menjadi Duta Rusia.

Semasa itu iaitu sebelum terjadi peperangan di antara Russia dengan Germany maka Malik telah bekerja keras mengumpulkan getah dari Tenggara Asia dan menghantarkannya melalui jalan keretapi Siberia, pembelian yang tersebut ialah untuk Germany di dalam masa itu juga Malik telah menghabiskan segala daya upayanya sebagai penghalang supaya Jepun tidak mengisytiharkan perang ke atas Rusia. Tetapi kewajipannya ini



Tuan Yaakub Malik wakil Rusia di dalam Persidangan Bangsa-bangsa

-----*-----*

tidak pula dapat menghalang dirinya sendiri, kerana pada 9 Ogos 1945 dia telah menghantarkan isytihar perang Rusia ke atas Jepun iaitu pada ketika telah runtuh ranap segala kekuatannya, dan sehari di belakang “Yaakub Malik” telah menerima penyerahan Jepun kepada Rusia dengan tidak bersyarat!

Baliklah Malik ke Moscow menjawat jawatan wakil Menteri Luar di sana, sehinggalah tibalah tahun 1948 maka dia

telah dipilih menggantikan “Gromiko” di dalam rombongan wakil Rusia “di Majlis Keselamatan”.

Yaakub Malik terkenal sebagai seorang yang amat licin dan jarang sekali para wartawan berjaya mendapat apa-apa berita daripadanya bahkan percakapannya dengan mereka sentiasa penuh dengan jenaka.

Pada satu hari Malik telah berkata kepada seorang wartawan: “Seelok-eloknya tuan pelajari bahasa Russian”.

”Ya, saya telah pelajari dua patah daripada bahasa itu iaitu “da” (ya) dan “nayyat” (tidak).” jawab wartawan itu.

Malik: “Para wartawan di sini menyangka bahawa orang-orang Russian tidak menggunakan melainkan kata yang kedua” (yakni tidak).

Wartawan: “Awal bermula perkataan yang kami pelajari daripada bahasa kami ialah – ya!”

Di sini Malik telah membalas dengan rasa bangga: “Tetapi kami lain pula, kerana awal perkataan yang kami pelajari daripada bahasa kami ialah – “nayyah” (tidak)”.

Malik sekarang kelihatan pemarah dan kasar orangnya. Iaitu berlainan daripada kebiasaannya pada masa dahulu yang sentiasa kelihatan bersifat peramah dan lemah lembut. Juga pada masa itu dia meminum berjenis-jenis arak, tetapi semenjak dia telah menduduki kerusi yang Di-Pertua Majlis Keselamatan, maka dia tidak meminum selain daripada air limau manis dan air soda yang telah menjadikan akhbar-akhbar menyiarkan ulasan-ulasan yang banyak kerananya.

Sebenarnya Malik tidak percaya melainkan kepada apa yang telah dipelajarinya di Rusia dan kerana ini seorang diplomat telah menemplaknya kerana tindakan-tindakan kasar yang telah diambilnya, katanya:

“Kenapa tuan mengambil sikap yang demikian ini?”

Maka dijawab oleh Malik dengan berterus-terang:

“Kerana saya menunaikan segala apa yang saya pelajari!”